

PRIMLAKA BROJ: 26.09.2024			
Org. jbn.	Broj	Prilog	Vrijednost
01-GV-04	1152	24	

Adi Škaljić, vijećnik

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti: Komisija za izbor i imenovanja Gradskog vijeća Grada Sarajeva

**PREDMET: PRIJEDLOG ZA DODJELU PRIZNANJA POČASNI
GRAĐANIN GRADA SARAJEVA**

Poštovani_e,

na osnovu članova 12, 13 i 14. Odluke o priznanjima i nagradama Grada Sarajeva, Komisiji za izbor i imenovanja upućujem prijedlog da se priznanje Počasni građanin_ka Grada Sarajeva, koja se dodjeljuje građaninu Bosne i Hercegovine koji se naročito istakao u razvoju i promoviranju Grada, unaprijeđenju međunarodne saradnje i očuvanju mira u zemlji i inostranstvu, kao i stranom državljaninu, koji je ostvario naročit doprinos razvoju i afirmaciji Grada, te razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima; **dodjeli mirovnoj i građanskoj aktivistici Aidi Ćorović.**

Podnosilac prijedloga – Adi Škaljić, vijećnik
Vrsta nagrade – Počasni građanin Grada Sarajeva
Kandidatkinja – Aida Ćorović

Kratka biografija kandidatkinje:

Aida Ćorović je višedecenijska mirovna i građanska aktivistkinja, antifašiskinja, feministkinja, osnivačica i dugogodišnja direktorica OCD „Urban-In“ iz Novog Pazara, bivša poslanica u Skupštini Republike Srbije, novinarka, politička analitičarka...

Od agusta 2020. je podpredsjednica Drštva za odživu budućnost Koraci.

Svoj rad u civilnom sektoru Srbije započela je 1992. godine kao antiratna aktivistkinja u, tada rijetkim, ali značajnim organizacijama - Žene u crnom, Beogradski krug i Centar za antiratnu akciju.

Nakon ratnih godina koje je provela u Beogradu, po povratku u rodni Novi Pazar, 1995. godine, radi na okupljanju i animiranju lokalnih intelektualaca i aktivista u cilju kreiranja demokratskog

okruženja i podsticanja interkulturalnog, interetničkog i interreligijskog dijaloga u Sandžaku. OCD „Urban-In“ osniva 1997. sa svojim prijateljima i istomišljenicima. Urban-In ubrzo postaje paradigma za civilno društvo u Sandžaku. Ova organizacija se, prvenstveno, bavila programima za mlade, kao i programima vezanim za demokratizaciji ovog regiona, u širem smislu, promociji dijaloga Sandžaka i ostatka Srbije, kao i regionalnoj saradnji. Tokom rada u „Urban-In“-u, postala je autorka i koautorka više desetina programa i projekata koji su se, prvenstveno, ticali rada sa mladima, nacionalnim manjinama, ženama i drugim ranjivim grupama. Ključne riječi koje su zajednički imenitelj svih projekata i aktivnosti na kojima je Aida Ćorović radila su tolerancija, razmjevanje „drugosti“ i poštovanje ljudskih prava i sloboda. Poseban fokus u svom radu je svih ovih decenija stavljala na rad sa ženama i njihovom osnaživanju. Jedna je od osnivačica Ženske platforme za razvoj Srbije.

Za svoj dosadašnji rad, 2008. godine, je dobila globalnu nagradu MDG3 Global Call to Action koju dodjeljuje Kraljevina Danska, potom, 2011. godine, nagradu Osvajanje slobode, Fonda Maja Maršičević-Tasić; 2014. godine dobija Povelju za građansku hrabrost - Dragoljub Stošić, koju dodeljuje Kuća pravde Strazbur.

Gotovo dvije decenije ima međunarodni status braniteljke ljudskih prava.

Od maja 2014. do juna 2016. godine, Aida Ćorović je bila poslanica u Parlamentu Srbije gde je, kao nestranačka ličnost i braniteljka ljudskih prava, bila izabrana na listi Demokratske stranke. Bila je veoma aktivna u Skupštinskim odborima za ljudska i manjinska prava i rodnu ravnopravnost, kao i za kulturu i medije, a poseban doprinos je dala u Ženskoj parlamentarnoj mreži.

Posljednjih godina je postala najglasniji i najartikulisaniji glas protiv radikalizma i nasilnog ekstremizma, posebno povezanih sa islamom i drugim religijama, kao i protiv odlazaka mladih sa prostora Balkana na ratišta širom sveta. Zbog pretnji smrću, koje su usledile kao rezultat pomenutog angažmana, skoro tri godine je bila pod stalnom policijskom pratnjom. Posljednjih meseci u javnosti je prepoznata kao jedna od najglasnijih zagovornica antifašističkog djelovanja i okupljanja, posebno nakon aktivnost vezanih za mural osuđenom ratnom zločincu, Ratku Mladiću.

Piše za veliki broj dnevnih listova, magazina i web-portala kako u Srbiji, tako i regionu.

Zbog otežanih uslova funkcionisanja, bila je prinuđena da iz rodnog Novog Pazara ode u Beograd, gdje sada živi i radi. Često je viđena i u Sarajevu, Prištini i Podgorici gde promovise ideju regionalnog dijaloga i saradnje država bivše Jugoslavije i Balkana.

Prilog: Saglasnost kandidatkinje



Adi Škaljić

Sarajevo, 26.9.2024.